

KOLEJ UNIVERSITI TEKNIKAL KEBANGSAAN MALAYSIA

KUTKM.02/10.12/2(7)

3 September 2001

PEKELILING PENTADBIRAN BIL. 7/2001

SKIM PENSYARAH SAMBILAN

Adalah dimaklumkan bahawa Lembaga Pengarah yang bermesyuarat pada 24 Julai 2001 telah bersetuju meluluskan pemakaian Surat Pekeliling Perkhidmatan Bil.2 Tahun 1995 berhubung dengan perubahan kadar bayaran kepada Syarahan Sambilan, Elaun Khas Pentadbiran dan Elaun Pengetua Asrama di Institusi Pendidikan Tinggi.

2.0 Manakala Jawatankuasa Eksekutif yang bermesyuarat pada 20 Ogos 2001 turut meluluskan Skim Pensyarah Sambilan yang menerangkan peraturan dan prosedur bagi perlantikan Pensyarah Sambilan. Surat Pekeliling Perkhidmatan Bil. 2 Tahun 1995 telah dijadikan asas kepada penyediaan skim yang berkenaan.

3.0 Pensyarah Sambilan yang dilantik akan menikmati elaun dan kemudahan berikut:

3.1 Pensyarah Sambilan yang dilantik akan dibayar syarahan akademik sambilan dengan kadar RM100.00 sejam tertakluk kepada had maksima RM1,200.00 sebulan (bagi pemegang Ijazah Kepujian serta setaraf ke atas). Setiap tuntutan hendaklah menggunakan borang yang berkaitan yang boleh didapati di Fakulti masing-masing. Tuntutan hendaklah dibuat sebulan sekali.

3.2 Bayaran Perkhidmatan Menyediakan Kertas Soalan

Bayaran perkhidmatan menyediakan kertas soalan peperiksaan dengan kadar RM100.00 bagi setiap satu kertas (boleh dituntut sekali sahaja selepas peperiksaan hujung semester).

3.3 Elaun Memeriksa Kertas Jawapan

Bayaran elaun memeriksa kertas jawapan hujung semester;

- i. RM2.00 satu skrip bagi kertas jawapan yang tidak melebihi 2 jam

ATAU

- ii. RM2.50 satu skrip bagi kertas jawapan yang melebihi 2 jam

3.4 Bayaran Elaun Perjalanan, Elaun Makan dan Penginapan akan diberikan jika sekiranya terdapat keperluan Pensyarah Sambilan menggunakan segala kemudahan tersebut jika ianya dilantik dari luar stesyen. Tugas Pensyarah Sambilan tersebut dianggap sebagai menjalankan tugas rasmi.

4. Perlantikan dan syarat bayaran bagi Syarahan Sambilan tertakluk kepada peraturan berikut:

- a. Bayaran Syarahan Sambilan hanya layak dibayar kepada pensyarah sambilan yang dilantik untuk menyampaikan syarahan akademik dalam sesuatu bidang pengajian kepada pelajar;
- b. Perlantikan pensyarah sambilan hendaklah dilantik dari kalangan pensyarah luar yang berkecuali. Lantikan juga boleh dibuat dari kalangan pegawai sektor awam yang mempunyai kelulusan akademik yang diperlukan dengan syarat syarahan akademik disampaikan di luar waktu pejabat dan tidak menjejaskan tugas hakiki pegawai berkenaan.
- c. Pensyarah luar/pegawai yang dilantik sebagai pensyarah sambilan perlu mendapat kelulusan daripada Ketua Jabatan masing-masing dan mereka juga dikehendaki mengemukakan laporan kepada Ketua Jabatan berhubung dengan bayaran Syarahan Akademik Sambilan yang diterima.
- d. Wujud kekosongan jawatan pensyarah atau penyandang jawatan pensyarah berkenaan meninggalkan tugas bagi suatu tempoh yang panjang seperti cuti sabbatical, cuti bersalin, cuti haji dan cuti belajar.

- e. Jawatan pensyarah yang kosong atau penyandanganya meninggalkan tugas bagi tempoh yang berpanjangan dan tidak ditanggung kerja oleh pensyarah sambilan yang dilantik atau pensyarah lain.
 - f. Tugas sebagai pensyarah sambilan adalah tugas tambahan selain daripada tugas hakiki jawatannya.
5. Pemakaian bayaran syarahan sambilan adalah juga terpakai kepada staf akademik di Kolej Universiti ini yang dilantik sebagai pensyarah sambilan. Bagi memastikan keputusan menerima pakai peruntukan berkenaan dilaksanakan dengan sewajarnya, peraturan dan syarat-syarat berikut hendaklah dipatuhi:
- i) Bagi membolehkan bayaran syarahan akademik sambilan dibuat, Dekan Fakulti atau Ketua Jabatan yang terlibat hendaklah memastikan dan mengesahkan beban Pensyarah Sambilan yang dilantik benar-benar telah melebihi beban akademik maksimum sebagaimana yang ditetapkan oleh Universiti;
 - ii) Dekan atau Ketua Jabatan hendaklah memastikan perlantikan sebagai Pensyarah Sambilan tidak menjejaskan tugas hakiki pensyarah berkenaan di mana tugas sebagai Pensyarah Sambilan adalah merupakan tugas tambahan selain daripada tugas hakiki jawatannya;
 - iii) Dekan atau Ketua Jabatan hendaklah memastikan bayaran syarahan akademik sambilan yang diterima oleh pensyarah tidak melebihi had maksimum RM1,200.00 sebulan; dan
 - iv) Pensyarah terlibat dikehendaki membuat laporan kepada Dekan atau Ketua Jabatan masing-masing berhubung dengan bayaran syarahan akademik sambilan yang diterima.
6. Pekeliling ini berkuatkuasa sertamerta.

7. Untuk pengetahuan, pihak pengurusan Kolej Universiti akan mengadakan perbincangan dengan pihak Jabatan Perkhidmatan Awam untuk mendapatkan kelonggaran syarat had maksimum RM1,200.00 sebulan (perkara 3.1). Walaubagaimanapun, peraturan yang berkenaan adalah terpakai sehingga terdapat makluman mengenai perubahannya (jika berkaitan) yang akan dimaklumkan kemudiannya oleh pihak pengurusan universiti.

Sekian, terima kasih.

Yang benar

HASAN BIN SIRUN

Pendaftar

sk YBhg. Datuk Rektor

Timbalan Rektor (Akademik)

Timbalan Rektor (Pembangunan & Perancangan Korporat)

Pegawai Kanan / Dekan